

周此山先生集

二

此山先生詩集卷之三


栝 蒼 周 權 衡之

登仕郎江浙等處儒學副提舉陳 旅校選
翰林直學士申憲夫知制誥同修 國史歐陽玄批點

詩

初夏積雨喜晴用陳簡齋韻

南薰霽殘陰眺遠明我目林影日以佳翳翳添淨
綵萬物欣得時變態一何速淋漓元氣中妙意詎
可卜好山在屋頭散步或捫腹人生等春花既墮
不可復何如樂吾天午睡得清熟睡覺聊倚闌頽
陽在高木



起得好 九日偕友登東岩定香寺

茲岩何穹隆。迥出塵壤隘。當時補天餘。偶墮靈鰲背。
神下挾竒功。塞此滄溟匯。翠濤化千峯。尚作掀舞態。
色連空宇高。氣薄坤輿大。紺廬切層雲。粲粲金銀界。
猶封開闢土。迂曠無斬薙。至今絕頂泉。下送萬丈內。
陰陽互轆轤。造化自根蒂。崖壁鑿靈境。洞壑索寒籟。
旁開一罅峽。天影落青黛。陰嵐洒晴雪。夏凍結幽晦。
石門聳峨峨。屹若劒門勢。在昔軋符間。綠林肆克厲。
托茲保遺黎。殘石猶紀載。憑高達遐觀。訪古起餘嘒。
盪骨瀉河漢。散髮沐沆瀣。煩襟忽如遺。舉步寄一快。
携朋作重九。秋高崖菊細。

濁醪灑華觴，浩唱發雄邁。仄身下天磴，百盤經險
恠。目眩神蕭森，冷風蕩歸袂。人生諒逍遙，歲月豈
予貸。吁嗟謝公屐，去此遺勝槩。回首山蒼蒼，夕鐘
渺雲際。有少陵之遺風

夏日書懷

深居遠暑溽，披襟散中恹。青山繞屋頭，流水鳴堦
前。於焉日逍遙，翫滌意所便。林深夏晝永，綠葉喧
玄蟬。竹色入踈牖，輪囷裊爇烟。清風良可人，愜我
南窓眠。微雨生夕涼，水花麗清連。一盃送行雲，萬
感歸華顛。人情屋烏好，世事磨蟻旋。老驥念故櫪，
倦翮忘高騫。客來據繩床，共結丘壑緣。高譚相牛

經不計使鬼錢。我有昭文琴。虧成乃其天。采山豈
無樵釣水。亦有鮮怡然。足陶寫濟勝。無迤邐永懷。
千載人擬續。招隱篇。

山中雲

空山有白雲。雅與高人約。卷舒本何心。乃似悅遐
矚。色幽淡。山翠意遠度。溪涿日暮久。徘徊前村雨。
應落

次韻幽居

晨興啓衡門。見此溪南山。山光入溪涿。水底明青
鬟。熙熙自漁樵。清歌時往還。莞尔發永晤。寔我丹
青間。

泉上菊

佳菊秀且妍幽泉湛而止酌泉嚙芳馨氣味乃相
似年華睇搖落而我思君子眷眷感遲暮悠悠念
終始素約何由諧迢迢限秋水

碧筩飲

渴烏戒西邁微雨蘇蘊隆裴回步閑亭夕涼生水
風穆然景氣新綠雲擁疎紅淨植迥不汙雅態無
與同誰為翠玉盃巧制出化工寒潤沁清泚芳氣
通脩筩觀花寓幽賞吸酒陶真悰金莖挹沆瀣為
我澆層骨新吟覺逾爽妙趣誰與窮千載一俛仰
永懷愛蓮翁

再韻

亭深拱萬荷氣爽忘暑隆紫莖濯文波清香來遠
風敷艷倚閑麗脩潔無妖紅所以比君子幽篁趣
乃同草木吾臭味取用惟意工宛如引泉脉歷歷
連遠筍晨清杙微醒夕涼欵幽悰咲傲風露國浣
滌塵土骨悠然感物理榮悴何當窮聊為河朔飲
留客慰衰翁

三用韻

雨窓睡思酣隱几俄隆隆輕雲斂殘雷涼簷來好
風微波灑芳池紺荷亂薦紅瀟洒一尊酒未與俗
子同因憶西湖上壯遊騁詩工雪藕拏蓮舟鱸鮮

呼釣簫挹香披夜襟泛月延秋棕天光漾玻璃盪
我萬頃骨少壯忽白首感舊懷無窮長歌納涼詩
興寄杜陵翁

又用韻賦閑居

青山如高人與我意頗隆擁翠環我廬譚咲皆清
風床頭有尊綠門外無塵紅佳客雖不來幽討杖
屨同因言遂成賦不計拙與工鋤雲托長鏡灌園
分短簫者茗集幽事欵竹消閑棕已無外物牽或
復感我骨讀書正成癖吟詩亦能窮置此且勿慮
吾徒狎鳧翁

次韻夜泊長河

善學社

此山先生集卷三
四
朝發餘杭城暮泊長河館店媪出門迎問我行後
晚篝燈具夕爨濁酒慰滄沔浣絡緯床下鳴羈懷浩
難遣寒宵一何長客夢一何短夢中在家山夢覺
天涯遠聞鷄趣晨征樹杪星河淺酸風刺弊裘兩
袖吳霜滿人生亦良勤蠅利何足筭却憶山中時
日高眠正穩

次韻陳和仲

人生如浮萍聚散皆偶爾憶我與君別春風五桃
李思君江東雲望君懿溪水晤言有幽期每念即
倭指惠然杖屨來訪我山雲裏高情謝紛華幽襟
薄蘭芷落落肝膽傾粲粲言論美剪燭夜評詩得

趣或屢起忽然起歸思流坎信行止向來栖碧堂
清宵共遊徒矧茲烟景霽松月夜如洗何當復道
遙携琴弄清泚

山甫弟新居芍藥

芳事迅流水鷓鴣感遲暮庭堦景氣暄邂逅凌波
步靚粧伫佳晨粲然傾一碩風流滯餘春窈窕含
暖露孤妍媚幽矚特立需晚遇微風散瑤芬疊疊
愜襟素莫懷溱洧間與尔結良晤彼哉悅紛華往
往諧俗慕睠言保靈根歲晚更培護期歸藥籠中
醫國贊良輔

再韻

鳩鳴燕新乳稠綠芳景暮端居日益永逍遙散幽
步嫣然廣陵春灼灼入我頤低叢亞柔風歌艷濯
濃露窈窕念方盈而此遂竒遇酌彼花前醪寫我
詩中素詩成酌花神日夕語清晤願言歛英華內
蘊毋外慕深根葆天和與爾昏謹護吾聞有莘翁
調鼎作忠輔

次韻友人

王君士林傑流輩推才賢獨抱山水操不入桃李
門終朝擁環堵高情上羲軒管中楚澤大筆下吳
濤翻世族擅江左文獻今猶存讀易索玄隱乃至
三絕編嗟予事綴緝百陋無一妍結交日未遠志

已管鮑堅攄懷恣吟嘯玩世從踈頑頗剪庾郎韭
亦共杜老尊温温天球質合寘策府間

皇風况清穆萬化調一元翩翩爛銀袍大對當無
前脩程詎能測長風送孤騫

次韻潘苴濱

龍媒何權竒振鬣捲沙礫臨風一長鳴群聽皆竦
仄渥洼一勺水此物寧久蟄明當入天閑籊雲自
西極

梅花丈人行高韻誰配之孤潔不自銜邈然處荆
茨風霜正搖落願言保貞姿金鼎待佳實雨露非
尔私

山甫弟邀觀茶蘼折花浸酒

一盃茶蘼春風味清無價舉盃對花酌酒韻濃相
和脩條逸難挽芳蔭深可藉誰知幽人廬半月廢
沉麝

再韻

幽香集瓊麤真抵連城價不須歌陽春白雪自寡
和寂寥闕閑庭持酒聊慰藉為我語花神吟多費
煤麝

次韻張德甫

朝緡北澗鮮暮採南山樵貴則食五鼎賤則飲一
瓢妍醜莫自校用舍隨所遭為我揮綠綺鴻飛楚

天高

暑夕納涼

蹲烏墮崦嵫暑氣覺已微
况彼幽人廬瞰此溪之
湄窓戶生夜涼水雲炯
幽姿天風送佳月夜氣含
清輝樹影浩零亂光恠何
陸離徘徊不成眠散策
良自宜空露沐我髮荷香襲
我衣麴生殊可人時
復把一卮放懷樂茲夕
不見歲月馳仰觀天壤間
得志古所稀胡為自形役
局此世故卑三山在何
許興逸不可羈安得琴高者
共躡清漣漪

次韻衛天樂

所居葛山自號葛山民

潔身莫紉蘭醫俗莫種竹
苟能全吾真何適非天

樂懷茲葛山民迫寄塵外躅日與麋鹿遊姓字在
樵牧無營世慮空有酒吾事足清風落醉巾幽鳥
驚夢熟南窓可容膝方寸自虛廓日出松露香山
光浮霧綵挂頰豈不佳爽氣已可掬人生亦何為
忽忽流景速逝將抱琴去襍被更就宿願分石鼎
茶春風煮崖瀑

次韻張德甫贈青岩上人

上人雪蒙頭枯貌松石異飄飄雲水身來契山林
味卓錫岩之阿流水涵古意室空樂清淨境寂達
幽邃默然了圓廓萬法歸一視鳥啼夕烟空岩花
落山翠

日觀雲屋長老松風三疊偶成以寄

雲屋有高人身佩五色組不草紫微詔自入青蓮
宇恪守行律嚴天人竦儀羽徜徉泉石間猿鶴導
前武宴坐松風亭衆妙獻奇語月寒夜蕭颼凌空
翠蛟舞鎬鉞鈞天奏縹緲湘瑟鼓廓然忘視聽萬
法空玉塵寧知外物外塵世自風雨我欲從之遊
俗駕山靈阻永懷松風吟披襟一延竚

餞友人

寒烟淡疎林梅香動晴陌握手川上亭把酒送歸
客擊節歌驪駒慷慨動顏色裴回重裴回天寒日
將夕若人士之英粹質擬圭璧窮年兀寒羶佔畢

校朱墨彈鋏非無魚壯志不可抑贈言古所敦何
以慰幽適離別不足云青雲期努力

偕岳宰晚步且言代者將至即欲解歸
回夜飲寫懷

時暑熾若焚微涼涵石澗曠然人意舒徐步便蕭
散忽逢磊落人爽氣溢顏面仍從杖屨遊不覺簪
組煥拂石聯長裾弄泉共清盥人生百年心歲月
難把玩君來蒼山中六載寄游宦忽言膏回車清
途振新貫飛蟠不相及聚散能幾見離襟不可寫
醉憤且屢岸涼月升山楸林光發幽粲咲言屬華
觴起舞影零亂狂歌答雅音放意諧終宴惆悵清